

## Tillaga að breytingu á frumvarpi til laga um breytingu á ýmsum vegna fjárlaga fyrir árið 2020 (þingskjal 2 – 2. mál).

Við frumvarpið bætist nýr kafli, með tveimur nýjum greinum, svohljóðandi:

### XIX. KAFLI

#### Breyting á lögum um opinber fjármál, nr. 123/2015, með síðari breytingum.

36. gr.

Eftirfarandi breytingar verða á 52. gr. laganna:

- a. Í stað orðanna „í heild“ í 1. másl. 1. mgr. kemur: og ríkisaðila í A-hluta.
- b. Á eftir 1. másl. 1. mgr. kemur nýr málslíður, svohljóðandi: Fjárskýsla ríkisins setur nánari reglur um reikningsskil einstakra ríkisaðila í A-hluta.
- c. 2. mgr. fellur brott.

37. gr.

Í stað orðanna „skal uppfylla kröfur laga um ársreikninga, nr. 3/2006, sbr.“ í 1. másl. 1. mgr. 54. gr. laganna kemur: skal gerður í samræmi við ákvæði.

Um 36. gr.

Núverandi ákvæði í 1. og 2. mgr. greinarinnar kveða á um að reikningsskil fyrir A-hluta ríkissjóðs í heild skuli gerð á grundvelli alþjóðlegra reikningsskilastaðla fyrir opinbera aðila sem miðast við rekstrargrunn, en að reikningsskil einstakra ríkisaðila í A-hluta skuli uppfylla kröfur laga nr. 3/2006, um ársreikninga. Sú aðgreining var talin einfalda reikningshaldið fyrir ríkisstofnanir í A-hluta en framkvæmd laganna hefur leitt fram ýmis vandkvæði og óvissu sem fylgir því að mismunandi reikningsskilastaðlar gilda fyrir A-hluta ríkissjóðs í heild annars vegar og ríkisaðila í A-hluta hins vegar. Af þessari ástæðu er breyting lögð til í því skyni að samræma reikningsskil hjá þessum aðilum og kveða á um að beitt verði alþjóðlegum reikningsskilastöðlum við almennar skilgreiningar og túlkun álitæfna.

Ekki er gert ráð fyrir að einstaka ríkisaðilar og verkefni í A-hluta þurfi að uppfylla öll skilyrði staðla um framsetningu, skýringar og upplýsingagjöf heldur er fyrst og fremst verið að tryggja að reikningshaldið verði með samræmdum hætti án þess að það sé óþarflega íþyngjandi fyrir minni aðila. Miðað er við að Fjárskýsla ríkisins marki reglur um reikningsskil og uppgjör ríkisaðila og verkefna í A-hluta sem verði byggðar á almennt viðurkenndum reikningsskilaaðferðum.

Um 37. gr.

Lögð er til breyting á 1. mgr. 54. gr. laganna, til samræmis við breytingar á 1. og 2. mgr. 52. gr. Eins og kemur fram í skýringu við breytingartillögu vegna 52. gr. þá er ekki gert ráð fyrir að allir ríkisaðilar í A-hluta uppfylli öll skilyrði staðla um framsetningu, skýringar og upplýsingagjöf heldur er fyrst og fremst verið að tryggja að reikningshaldið verði með samræmdum hætti án þess að það sé óþarflega íþyngjandi fyrir minni aðila. Miðað er við að Fjárskýsla ríkisins marki reglur um reikningsskil og uppgjör sem eru byggðar á almennt viðurkenndum reikningsskilaaðferðum. Horft verði til þess að ríkisaðili og verkefni í A-hluta eru ekki sjálfstæðir lögaðilar og því eru ólíkar kröfur um framsetningu ársreikninga eftir umfangi ólíkra ríkisaðila.

Gildistaka.

Ákvæði 36. og 37. gr. öðlast gildi nú þegar og koma til framkvæmda við reikningsskil vegna ársins 2019.

#### **Rekjanlegar breytingar á ákvæðunum:**

**52. gr. Gerð og framsetning reikningsskila.**

Reikningsskil fyrir A-hluta ríkissjóðs ~~í heild~~ [og ríkisaðila í A-hluta](#) skulu gerð á grundvelli alþjóðlegra reikningsskilastaðla fyrir opinbera aðila sem miða við rekstrargrunn. [Fjárskýsla ríkisins setur nánari reglur um reikningsskil einstakra ríkisaðila í A-hluta.](#) Reikningsskilaráð getur frestað tímabundið að taka upp hluta af stöðlunum, enda liggi til þess málefnalegar ástæður. Í ríkisreikningi skal gera grein fyrir hvaða atriðum staðalsins er ekki fylgt, ástæðum þess og áhrifum á afkomu og

fjárhag.

~~Reikningsskil fyrir einstaka ríkisaðila í A-hluta skulu uppfylla kröfur laga um ársreikninga, nr. 3/2006.~~

Reikningsskil fyrir B- og C-hluta ríkissjóðs skulu uppfylla kröfur laga um ársreikninga, nr. 3/2006.

**54. gr.** Gerð og skil ársreikninga í A-, B- og C-hluta.

Ársreikningur ríkisaðila í A-hluta skal uppfylla kröfur laga um ársreikninga, nr. 3/2006, sbr. skal gerður í samræmi við ákvæði 52. gr. Jafnframt skal þar sýna:

1. Samanburð á rauntölum og fjárveitingum til rekstrar, rekstrartilfærslna, fjármagnstilfærslna og fjárfestingar.

2. Yfirlit um breytingar á fjárveitingum og stöðu þeirra í árslok.

Fjársýsla ríkisins setur leiðbeiningar um framsetningu upplýsinga í ársreikningum.

Ríkisaðilar í A-hluta skulu skila ársreikningi og eignaskrá til Fjársýslu ríkisins, hlutaðeigandi ráðherra og Ríkisendurskoðunar eigi síðar en 28. febrúar ár hvert.

Ríkisaðilar í B- og C-hluta skulu skila ársreikningi til Fjársýslu ríkisins, hlutaðeigandi ráðherra og Ríkisendurskoðunar eigi síðar en 31. mars ár hvert.

Hver ráðherra skal sjá til þess að ríkisaðilar sem undir hann heyra uppfylli ákvæði þessarar greinar um skilafrest ársreikninga.